

Kancelarija supervizora podržava suspendovanje tri javna službenika

Kancelarija supervizora za Brčko izražava zadovoljstvo i podržava gradonačelnika Brčkog, Sinišu Kisića, koji je juče suspendovao sa dužnosti Suada Mašića, Slađanu Mitrović i Delilu Kurtagić. Ovi javni službenici su zloupotrijebili svoj položaj i optuženi su za ozbiljna krivična djela. Javno tužilaštvo Brčko Distrikta podiglo je optužnice protiv sva tri službenika.

Gospodin Mašić je optužen za fizički napad na predsjednika Osnovnog suda, a gospođa Mitrović i gospođa Kurtagić su optužene za falsifikovanje službenih dokumenata.

Javni službenici su odgovorni građanima i od njih se očekuje da rade u skladu sa visokim standardima u smislu efikasnosti, integriteta i posvećenosti da služe građanima koji izdvajaju za njihove plate. U javnoj administraciji nema mjesta za službenike koji krše zakon. Oni ne samo da čine krivična djela već i izigravaju povjerenje građana.

Ova tri službenika su suspendovana u skladu sa Odlukom o disciplinskoj i materijalnoj odgovornosti službenika u organima Brčko Distrikta BiH.